



KEMENTERIAN SUMBER ASLI, ALAM SEKITAR  
DAN PERUBAHAN IKLIM

# SIARAN MEDIA

---

## DIALOG PENGURUSAN LEMBANGAN SUNGAI PLATFORM KONGSI PENGETAHUAN MENGURUS MERENTASI SEMPADAN

---

Penganjuran Dialog Pengurusan Lembangan Sungai menjadi platform penting untuk berkongsi pengalaman dan pengetahuan ahli panel dan moderator dari dalam dan luar negara yang berpengalaman luas dalam bidang pengurusan lembangan sungai kepada 250 peserta dengan tema '*Flowing River Without Borders*'.

Sesi Dialog anjuran Kementerian Sumber Asli, Alam Sekitar dan Perubahan Iklim (NRECC) itu, memanfaatkan amalan terbaik dalam pengurusan lembangan sungai termasuk cabaran dan tindakan yang perlu diambil oleh pihak berkepentingan dalam menambah baik tadbir urus lembangan sungai, pengurusan sempadan sungai secara bersepadu dan mampan serta undang-undang air.

Turut hadir, Setiausaha Bahagian Kanan (Pengurusan) NRECC, Dato' Mohamad Rodzwan Mohd Baba Sakri yang juga memberikan ucapan tama pada sesi dialog itu di *World Trade Centre* (WTC), Kuala Lumpur, hari ini.

Sesi dialog yang dianjurkan bersempena dengan Konvensyen Air Antarabangsa Malaysia (MIWC) 2023, turut menghimpunkan ahli panel dan moderator dari dalam dan luar negara yang berpengalaman luas dengan penyertaan daripada penggubal dasar, pengurus lembangan sungai dan pihak berkepentingan.

Ahli-ahli panel terdiri daripada panel ternama jemputan luar negara, Hon. Madam Karlene Maywald, Duta Air Australia Selatan, Presiden Perikatan Air Malaysia, Dato' Nor Hisham Mohd Ghazali, Pengarah Jabatan Pengairan dan Saliran (JPS) Negeri Perak, Ir. Ts. Ahmad Shahrir Md Naziri, dan Timbalan Dekan Fakulti Undang-Undang, Universiti Kebangsaan Malaysia (UKM), Prof. Madya Dr. Rasyikah Md. Khalid dengan moderatornya, Presiden Persatuan Air Malaysia, Dr. Ir. Ts. Mohamad Asari Daud.

Menerusi penganjuran dialog ini, diharap amalan terbaik dapat diaplikasikan oleh semua pihak berkepentingan. Kisah-kisah kejayaan yang dikongsikan oleh para panel juga boleh dimanfaatkan oleh pengurus lembangan Sungai bagi menjamin ketersediaan air kepada rakyat tidak terjejas.

**KEMENTERIAN SUMBER ASLI, ALAM SEKITAR DAN PERUBAHAN IKLIM  
(NRECC)**

**6 DISEMBER 2023**

